



Mala Høy Kúko
Inatsisartunut ilaasortaq, Siumut

07-02-2023
Sagsnr. 2023 - 681

§ 37 naapertorlugu apeqputip nr. 011/2023 akineqarnera

Asasara Mala Høy Kúko

P. O. box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqputeqarputit. Naalakkersuisut apeqputinut tullinguuttumi issuarneqartunut akissuteqartinneqartunullu qujapput.

1. Naalakkersuisunit isumaliutigineqarnikuua saniatigooralugu puisip amiinik piffissap aalajangersimasup iluani tunisisoqartalernissaanik?

Akissut:

Naalakkersuisut ilisimatitsissutigisinnaavaat sunngiffimmi pinaluttartunut periarfissaasinnaammat amernik tunisaqartarsinnaaneq, inuussutissarsiutigalugu piniartut ammit tunisagaat ikippallaalissappata. Kisitsisit paasissutissat ukuni kingullerneersut takutippaat amernik tunisaqartarnermut tapiissutitut aningaasaliissutaasut tamarmik inuussutissarsiutigalugu piniartunit iluaqutigineqartartut, taamaattumillu aningaasaliissutit sinneqartaratik sunngiffimmi pinaluttartunut tapiissuteqarnissamut. Sunngiffimini pinaluttartut sulii pisami amiinik tunisaqarnissaminnut periarfissaqarput, kisiannili taakkua ameerutaat tapiissutitaqanngitsumik aningaasarsiutigalugu piniarnermi pisatut siuliani eqqaaneqartunik tunngavilimmik akilerneqartassapput.

Ilanngullugulu Naalakkersuisut ilisimatitsissutigisinnaavaat Nunanut Allanut, Inuussutissarsiornermut Niuernermullu Naalakkersuisoqarfiup ukioq maanna kvartalit aappaanni Kalaallit Nunaata Ammerivia piniartullu kattuffii susassaqtut oqaloqatigiinniarmata nalilersorumallugu misiliilluni aqqissuussinermik pilersitsisoqarsinnaanersoq tapiissutitalimmik sunngiffimmi pinaluttartunut piniarnermut allagartaqartunut atuuttumik Naalakkersuisut aamma Kalaallit Nunaata Ammerivia A/S-ip akornanni 2023-imut kiffartuussinermut isumaqatigiissutaannik tunngaveqartumik.

2. Saniatigooralugu tunisisoqartalissanngippat sunik Naalakkersuisut tunngavilersuuteqarpat?

Akissut:

Apeqqummut 1-imut akissut innersuunneqassaaq.

Inussiarnersumik inuulluaqqusillunga

Med venlig hilsen



Vivian Motzfeldt